



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1856**

VII. Bischof Friederich von Brandenburg bestätigt die von Markgraf Hermann und seinen Vorgängern der Stadt Teltow verliehenen Privilegien und Rechte, am 11. Juni 1311.

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

VI. Markgraf Hermann vereignet der Stadt Teltow das Hebungsrecht des Wertzinses,  
am 15. August 1306.

In nomine et individue trinitatis — Nos — Hermannus, dei gracia marchio Brandenburgensis et Lusacie et dominus de Hinnenberch, ad presentium cognicionem et successorum memoriam recognoscimus, per huius scripti continenciam declarantes, Quod subditorum nostrorum utilitati semper insistere cupientes, censum hereditarium, qui in layco Wertzins sonat, quem a nobis empcione rationabili compararunt, ciuitati nostre Teltow, in subsidium pauperumque illorum in ea morancium subleuamen, absque omni seruicio aut alterius cuiuscunque exigencie no-cumento libere contulimus a nobis et nostris successoribus in perpetuum possidendum. Addentes nihilominus et uolentes, quatenus dicte ciuitatis consules, vna cum prefecto, per annos singulos circumeant, pretacte exactionis denarios ab hereditatibus vniuersis secundum omnem iuris exigenciam colligendo, attamen duabus Henning Snetelinch hereditatibus, quas nunc habet, liberis et exemptis, quas ab huius census colleccione, quamdiu sub sua tenentur possessione et non amplius, immunes esse volumus et solutas. Super cuius proprietatis collacione a nobis facta rationabiliter necnon rite, quam semper inuiolabiliter ratam volumus obseruari, vt non solum presentibus, verum etiam subsequenter euidentius cognita perseueret, presentem cedulam ciuitati prefate fecimus presentari, nostri sigilli robore communitam. Presentibus viris laudabilibus atque dignis videlicet: domino Bernardo de Plozzich, domino Drosfekino, nostro dapifero, et domino Borchardo Gruelhud, nostro Aduocato, domino Henzokino de Grobene, domino Zabello de Bornem et domino Martino, plebano in Teltow, et aliis quam pluribus fidedignis, qui de omnibus supra-scriptis laudabile poterint testimonium perhibere. Actum et datum Spandow, anno domini M<sup>o</sup> CCC<sup>o</sup> sexto, XVIII kalend. Septembris, in die assumptionis virginis gloriose.

(Bidimation wie bei No. I.)

Aus einer vidimirten Copie im Ges. Staats-Archive.

VII. Bischof Friederich von Brandenburg bestätigt die von Markgraf Hermann und seinen  
Vorgängern der Stadt Teltow verliehenen Privilegien und Rechte,  
am 1. Juni 1311.

Nos Fridericus, dei et apostolice sedis gracia Brandenburgensis ecclesie Episcopus, civitati nostre fidei Teltow salutem in domino. Quoniam in literis super donacione et proprietate ciuitatis Teltow et proximarum villarum, per magnificum principem dominum Hermannum, pie memorie, marchionem Brandenburgensem, nostro capitulo Brandenburgensi in anno superioris seculi antepenultimo facta, liberaliter vobis constat reseruatum, vt communioni vestre ante per benignitatem predicti domini marchionis suorumque piorum predecessorum data et concessa bona, beneficia et iura porro conseruari et confirmari a nobis et nostris successoribus debeant. Nos autem commoti preterea fidelitate et constancia, quam per experienciam superiori anno nobis per vos comprobauimus exhibitam, ratificamus, collaudamus et confirmamus vniuersas et singulas pro-

prietates, gracias, iura et consuetudines, in literis infrascriptis et per nos approbatis contentas. Ut autem ea, que per nos ratificata et confirmata sunt, a nemine calumniari queant vel infringi, presentes literas conscribi et nostro ac prenotati nostri capituli sigillis fecimus roborari. Actum et datum in Teltow, anno domini millesimo tricentesimo decimo primo, Kal. Junii.

Aus einer handschriftlichen Chronik der Stadt Teltow von Fidiu mitgetheilt, auch in v. d. Hagen Beschreibung der Stadt Teltow (Berl. 1767) S. 43 abgedruckt.

VIII. Bischof Friederich von Brandenburg befehlt den Hofmeister des Markgrafen Woldemar, Erhard von Beeren, mit einem freien Hofe zu Teltow, welchen Joh. Stroband besessen hatte, am 25. Januar 1314.

Nos Fridericus, dei et apostolice sedis gracia Brandenburgensis ecclesie Episcopus, omnibus, ad quos presentes litere peruenerint, salutem in domino et omne bonum. Cognitis et consideratis sincera fidelitate et meritis nobis et capitulo nostro per strenuum et discretum virum Erhardum de Berne, curie domini Woldemari marchionis magistrum, iam exhibitis et adhuc exhibendis, eidem Erhardo suisque veris et legitimis heredibus contulimus et presentibus conferimus curiam Joannis Stroband, aduocati nostri, bone recordacionis, in Teltow sitam possidendam cum quatuor mansis, et appropriamus cum omni fructu, iure, libertate et commodo, adeo quiete et libere, quod nec prenotatus de Berne, nec ipsius heredes nobis vel nostro capitulo ex hac curia ad seruicium quoddam obnoxii sunt, Reseruantes tamen, quod hec curia ejusdemque iudicium a nostra sede episcopali dependeat, iure quidem pheodali, adeoque nobis vel capitulo nostro pro quavis eius collacione soluantur quatuor sexaginta denariorum. Ne vero hec pagina ab aliquo valeat in dubium vocari, eandem duobus sigillis, nostro videlicet et ecclesie nostre Brandenburgensis ad totius firmitatis testimonium fecimus roborari. Actum et datum in Berlin, anno domini millesimo tricentesimo decimo quarto, ipse die Sti. Pauli apostoli.

Aus einer handschriftlichen Chronik der Stadt Teltow von Fidiu mitgetheilt, auch in v. d. Hagen Beschreibung der Stadt Teltow S. 44 abgedruckt — eine nicht unverdächtige Urkunde.

IX. Markgraf Johann befehlt die Holzzungung, welche den Bürgern zu Teltow in der Nutha-Seide zugestanden ist, auf die Befugniß aus, das Holz im Walde gleich zu behauen und zu köpfen, auch zu Zäunen dem Walde Eschen bis zur Stärke eines Armes zu entnehmen, am 24. Januar 1317.

Nos Johannes, dei gracia brandenburgensis et Lusacie marchio, presencium signacione literarum protestamur euidenter, Quod prouidis nostris ciuibus, presentibus et futuris ciuitatis Teltow supra graciā et libertatem, quam in vsu lignorum memoris dicti Nutha dinoscuntur habuisse, supra addimus, quod arbores et singula, que refecauerint ligneta in palude supradicta, cir-